



RELATÓRIU TRIMESTRÁL FUNDU MINA-RAI NIAN
Trimestre ne'ebé termina iha 31 Dezembru 2023
KOMUNIKADU IMPRENSA

Banco Central de Timor-Leste (BCTL) ohin publika Relatóriu Trimestrál Fundu Mina-Rai Timór-Leste nian ba trimestre ne'ebé termina iha loron 31 fulan Dezembru tinan 2023. Relatoriu ne'e hatudu katak kapitál Fundu nian iha trimestre ikus ne'e mak billiaun US\$18.252¹ kompara ho billiaun \$17.521 iha fim trimestre dahuluk hafoin ajustamentu ne'ebé halo ba relatóriu tinan 2022 ho "Valor Justu" ba Instrumentu dívida privada emite hosi Timor Gap E.P.

Relatóriu ne'e hatudu katak totál reseitas Kapitál simu iha trimestre ne'e hamutuk millaun \$16.337

Rendimentu bruto husi investimentu Fundu iha trimestre ne'e hamutuk biliaun \$1.018 kompostu hosi dividendu no jurus ne'ebé simu mak millaun \$123, mudansa iha valór merkadu ba ativos finanseirus millaun \$877.23 no movimentu cambiais mak millaun \$17.77. Ne'e representa retornu totál hosi karteira investimentu durante trimestre ne'e 5.86% enkuantu retornu sasukat (*referênsia/benchmark*) nian ba periodu ne'e mak 5.95%.

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsavel atu defini estratéjia global investimentu ba Fundu ne'e nian.

Durante trimestre ikus Banco Central de Timor-Leste jere Portofoliu besik liu ho nia pontu referênsia. Diferensa entre retornu total portofoliu no pontu referensia iha periodu ne'e 8 pontu de base ou 0.08 pursentu. Retornu totál fundu nian iha inísiu mak 4.26 pursentu.

Pontu importante ne'ebé destaka husi Relatóriu Trimestre ba dala LXIX, ne'ebé kobre período 01 fulan Outubru to'o loron 31 fulan Dezembru tinan 2023, inklui:

- Kapitál Fundu iha 31 dezembru 2023 nian mak billiaun \$18.252.
- Osan entrada bruto fundu nian simu husi kontribuente impostus sira, hamutuk mak millaun \$16.337.
- Osan líquidu ne'ebé sai husi Fundu durante trimestre ne'e hamutuk millaun \$302.064 kompostu husi millaun 300 transfere ba Orsamentu jeral do Estadu no millaun \$2.064 kobre kustus jestaun operacional.
- Retornu total Fundu nian iha trimestre ne'e mak 5.86% kompara ho retornu sasukat (*referênsia/benchmark*) iha periodu ne'e mak 5.95%.
- Retornu hosi Karteira Investimentu iha merkadu finanseiru iha periodu ne'e mak 6.06% enkuantu retornu referênsia iha periodu ne'e mak 6.11%.

Relatóriu trimestrál, Lei Fundu Mina-Rai nian nomós Akordu Jestaun Operasionál, disponivel iha portal Banku Central de Timor-Leste nian <https://www.bancocentral.tl>

Dili, 06 Feveiru 2024

Tobias Ferreira
Diretór Ezekutivu

¹ Valor justu dívida privada iha dezembru 2022 mak miliaun US\$560,76. Valor ida ne'e refleto mós iha valuasaun dezembru 2022 nian no balansu inisial iha janeiru 2023 nian. Valor justu ida ne'e sei utiliza mós iha dezembru 2023 nian no sei ajusta wainhira valuasaun ba 2023 nian finaliza ona.